

MUBE BABAKOLWA ZA MULIMU



Mi Ibala sina cwana.

Mi Elia wa kwa Tishibe, wa baba...yahile mwa Giliadi, abulelela Akabe ali, Ka MULENA Mulimu wa Isilaele ya pila, ye Ni yemi fa pila hae, hakuna kuba puka kamba pula ka myaha yemilalu ye, haisi ka linzwi laka.

Mi linzwi la MULENA la taha ku yena, lali,

Zwa mo, uye kwa neku la upa, u ipate kwa tuko ni kanukana ka Keriti—Keriti, (Ni talusa cwalo) ili mabapa ni Jordani.

Mi ikaba kuli, uka nwanga mezi a kanukana; mi nise Ni laezi mañwalala kuli aku utele kwateni. . .

Kacwalo afunduka aya ka taelo ya linzwi la MULENA: ayoina kwa kanukana ka Keriti, ili mabapa ni Jordani.

Mi mañwalala nanza mutiseza buhobe ni nama ka kusasana, ni buhobe ni nama mwa manzibwana; mi na nwa mezi a kanukana.

Mi kwatoba kuli hasamulaho wa nako, kanukana kiha ka kalelela, kakuli neku sina pula mwa naha.

Mi linzwi la MULENA la taha ku yena, lali,

Nanuha, mi uye kwa Sarepta, wa kwa Sidoni, uyo ina kwateni: bona, Ni laezi musali wa mbelwa kwateni kuli aku ute.

Kacwalo a nanuha mi aya kwa Sarepta. Ha sa fitile kwa munyako wa munzi, a bona, musali wa mbelwa ya lwalela likota: mi a mubiza, ali, Aku nitiseze, Na ku lapela, mezi nyana mwa sinwiso, kuli Ni nwe.

Hana sa yo mutiseza, a mubiza, mi ali, Aku nitiseze, Na ku lapela, musulo wa buhobe ka lizoho la hao.

Mi musali ali, Ka MULENA Mulimu wa hao ya pila, Hanina niheba kankwa, konji ka bupinyana kaka felela mwa lizoho kakainzi mwa tubana, ni olinyana mwa silibelo: mi, bona, Ni lwalela bwandilala bobubeli, kuli Ni ye ni ikapeele na ni mwanake, kuli luce, mi kihona luka shwa.

Mi Elia ali ku yena, Usike wasaba; zamaya uyo eza mobulelezi: kono uezeze na pili sinkwa nyana, uni tiseze sona, mi hasamulaho uikezeze wena ni. . .mwana hao.

Kakuli sabulela MULENA Mulimu wa Isilaele uli, Bupi bobu mwa tubana habuna ku fukuzeha, ni oli ye mwa

*silibelo haina kufela, mane kufite lizazi laka nelisa pula
MULENA mwa lifasi.*

*Mi musali aya ayo eza mwa mu laezi Elia: mi yena
musali, ni yena, ni bandu ya hae, baca mazazi amañata.*

*Bupi bobu mwa tubana nebusa fukuzehi, ni oli yemwa
silibelo neisa feli, kuya ka linzwi la MULENA, lene
libulezwi ka Elia.*

Ka ngambolo ya kakusasana wo, nisikaya kale kwa buse bwa mawate, Ni ketile tuto, ya kuli: *Mube Babakolwa Za Mulimu.*

² Mi cwale, Mulena, akufuyole Linzwi la Hao ha Linze libulelwa, mi Moya o Kenile ha uswale minahano yaluna ni mihupulo yaluna, ni kulu bakanyeza kupota kwa Hae, sina halu Mu kupile kuli atahe. Kakuli halu tahangi kwa ndu ya Mulena kuto boniwa, kamba kuto bona, kono kuto ituta za Hao, ni kuziba za sibupeho sa Hao, ni nzila ya Hao, ni likezo za Hao, kuli lukone kutalimana ni matata a bupilo, ka sepiso ya niti, yakuba baba ikolwisisa za Mulimu. Akupete cwalo, Mulena. Ka Libizo la Jesu lwa kupa. Amen.

³ Neli kakusasana koku sabisa. Neku cisa hahulu ni maluli, mi batu nebali mwa mikwakwa, nitala, mi mubu ne ucisize hahulu noli bukaufi ni kutuka. Kaufela se neli ponahazo ya libi za bona ni kusa iswala kwa bona.

⁴ Mwa bona, Akabe nabusa mwa—mwa Isilaele, ka nako yani, kamba fahalimwa Isilaele, mi nali ya maswe hahulu kwa malena a Isilaele kaufela. Neku sina mulena ya maswe sina Akabe, kakuli yena, kakuba ya lutilwe ni kuziba hande, apalelwa kutuhela kusa tabisa Mulimu mwa lika kaufela zana ezize. Niha nana ni mpi yetuna ya masole, mi batu nebali baba punyuhile hahulu mwatasa puso ya hae, kono, kakuli, hamukoni ku nyemisa Mulimu ni ku kulubelwa kuya onacwalo fa nako ye telele.

⁵ Mi cwale, mwa sinawenga sa hae, kufita kuli anyalele mwa sicaba sa hae tota, azwelapili, ayo nyala mueza libi, mulapeli wa milimu. Anyala Jezabele. Mi yena nasi mulumeli.

⁶ Mi hakuna mulumeli ya lukela ku nyala yasa lumeli, kube cwani kamba cwani. Ba nyalange balumeli kamita.

⁷ Kono Akabe naezize taba yemaswe ye. Mi hakuna mukwa waku kakanya kono kakuli Jezabele neli musali yomunde. Mi yena a tabela mwana bonahalela, kufita mwana inezi. Ku cwalo kuze batiwa ki babañata, ba ezanga mafosisa aswana ao, kutofita ni lizazi le.

⁸ Mi kiha tisa milapelo ya milimu mwa naha, mwahala batu. Mi ni batu, bona baprisita, babuleli babona, ba wela kwa neku la taba tuna ye.

⁹ Mi ki siswaniso luli sa naha yaluna kacenu. Lu wezi mwatasa zebatiwa ki babañata. Hakuna ku kakanya kuli baprisita neba

hupula kuli kukaba hande, haibile fela muso wabona nosi lumeleza. Kono ha Ni na taba seo muso ulumeleza, silukela kuba seo Mulimu alumeleza. Mi batu neba hupula kuli kukaba hande hane ba ka kulubela mwa lika zeñwi zabona za lifasi.

¹⁰ Mi yomuñwi wakona kuni kupa kuli ni kutele ze Ni sa zo bulela, kuli ki siswaniso sa kacenu luli. Halukoni ku nahana kuli lu ba lapeli ba milimu, kono lu cwalo. Ni muso wa si nyatela. Batu kacenu ki ba lapeli ba milimu, kakuli ki—ki baba lapela milimu. Babañwi ba kubona ba lapela babapali ba mafilimu, kuba milimu. Babañwi ba lapela mashelañi, kuba milimu. Mi babañwi ba lapela babapali ba mwa televishini, kuba milimu. Kono seo kaufela se mubeya fapila Mulimu ki kalimu, sibe sikamañi kaufela.

¹¹ Niheba ku Satani, sila saluna sesituna, kiya butali hahulu, konji mane ha beya, fokuñwi, keleke fapila Mulimu. Mwa kona kuba ni keleke yetuna. Ikona kuba muyaho omutuna, kamba ikona kuba kopano yetuna. Mi, hape, yakona kuba puteho yetuna, kono kusike kwa taha sika sesiñwi fapila Mulimu, mwa pilu ya hao. Sika kaufela, mi fapila Mulimu, ki kalimu.

¹² Mi batu ba neba zibile kuli nebasi ba moya sina mone babelanga, mwatasa lipuso za malena amañwi. Mi ba hupula, bakeñisa fela kuli nebali naha ya bulapeli, kuli lika kaufela likaba hande. Mi yani kona nzila yelutile fa sibaka sani niluna.

¹³ Likweli nyana zefelile ne Ni ambola ni mulikana ka yomunde luli. Mi a li, “Muzwale Branham, Ni lumela kuli unyaza hahulu United States maswe luli.” A li, “Wena kamita unyaza hahulu kaza sibi nimo Mulimu aka fela koto naha ye.”

¹⁴ Se nili, “Una ni ku eza cwalo, ili kuli asepahale.”

Yena ali, “Kono, Muzwale Branham, u libala kuli naha ye neitomilwe fa mutomo wa Mañolo. Ni bashemi baluna bakale ne batile kwanu, mi Mulimu na lufile buswa bo. Mi lu naha ya bulapeli.”

¹⁵ Se nili, “Yeo ki niti, kaufela yona. Mi hakuna yaziba mo Ni lumbela naha ye! Kono, talima, muzwale waka, Isilaele niyena naketilwe ki Mulimu, mi A ba lumela bapolofita ni baana ba batuna. Kono Mulimu hakoni kuyemela sibi. Na ezize Isilaele kuli akutule peu kaufela yana calile. Mi haiba Na ezize Isilaele ku kutula sana calile, U ka lueza niluna kuli lu kutule selu cala. Yena ha kuteki mutu.”

¹⁶ Mi luse lu fitile fa sibaka sa ku nahana kuli kakuli lu itingile ku zene ba ezize bo kuku aluna, kamba ku seo batateki ba batuna ba likeleke za luna, seo sitabelo sa bona sesituna nesili ku Mulimu, yeli nto yende mi ki buitumelo luli kayona, kono halukoni kuba ni puluso kuzwa ku zene ba ezize! Puluso ki ndwa ya kuba unosi mwahala mutu kaufela ni Mulimu. Isiñi fahalimwa naha, ka keleke ya luna, kono ka luna bañi fapila Mulimu, lwa ikalabela.

17 Sitilofita fa sibaka mwa naha ya luna, kufitela mwahala sicaba sesina ni moya luli se lunani, hamukaya kwa baana ba moya ni basali, mi mu kafumana kuli mwa lipilu za bona kuna ni sesi tondahala.

18 Luse lu bile, mwa lisunda ze nyinyani ze fitile, Ni bile ni ya mwahala lika zeñwi ze, ni kufumana kuli mwa baana bene Ni hupula kuli ki ba butokwa, ibo Ni fumani kuli ba beya tiisezo mwa lika za swalelele, baya banze babuleli kuli, “Mulimu unifile sa *kuli-ni-kuli* sesituna. Mulimu ufile. . .” Mwa ipuma.

19 Lika zetuna za sifumu kamita ha lifumanwi mwa tato ya Mulimu. Mulimu u nelisanga pula fa halimwa ba ba lukile ni ba ba sika luka. Kono seo lifasi litokwa kacenu haki tumelo ya kuipuma, ku lika kuipuma isali wena mwa sika sesiñwi ni ku sibiza kuba sa moya.

20 Fokuñwi tumelo ikona kueza limakazo ze tuna, niteñi ha lizweleli kwa pilu ya moya. Kana Mulena luna na sika li? “Babañata baka taha ku Na, lizazi lani, mi bakali, ‘Kana haki Na yana ezize se ni *sani*, ka Libizo la Hao?’ Mi Ni ka ba bulelela kuli, ‘Amuzwe ku Na, mina baezi ba ze maswe.’” Bumawe ki sikamañi? Ki sika soziba kueza hande ibo hausi ezi. “Ha ni mi zibi,” Kiyena yaka bulela. Mi lu pila mwa lizazi lateni.

21 Selutokwa kacenu haki sifumu sesiñata sa lika. Luna ni zeo. Halutokwi likeleke ze tuna. Halutokwi liputeho ze tuna. Halutokwi lika zeñata fa wayalesi ni televishini. Halutokwi buñata bwa lika ze. Kono seo lutokwa kacenu, fa kuba ba moya, ki mutu yaka ikokobeza ili yena fapila Mulimu, haiba haana masheleni, mi alapela kufitela moya wani mwahala hae ukuliswa ka bunde bwa Mulimu, mi ni ancafazo inga sibaka mwahala pilu ya hae, seo sika cinca maikuto ahae ni sibaka sa pila ku sona.

22 Haukoni kuba ni likatulo kwa mautu, wakona kuapala zena ni makamba, kono sesiñwi mwa pilu ya hao si opela minembo ya Mulimu. Ni itakaleza kuba ni seo kufita masheleñi kaufela amwa lifasi.

23 Kacwalo hamukoni ku bulela kuli lika za butu kamita ki sisupo sa limbuyoti za Mulimu. Davida nakile abulela sani ku Mulena, kuli naboni ya maswe ha otolola za . . . sina kota yetuna ya makwati. Kono Mulimu amubiza, “Kana umu lemuhile kwa mafelelezo?” Hakuna taba ka bunde bwa litino ze luapala, buñata bwa ze lunani kuca, seo haki sona sesiya fa Pila Mulimu. Mubili olupila kuona wo, washwa, hakuna taba kamba ubabalelwa cwani. Kono ki moyo oli ku mutu; ki buino bwa moya wani oya fa Pila Mulimu ya pila.

24 Kono lunganga lika ka likesha. Lu hupula kuli bakeñisa fela kuba naha. . . Kona mwana inezi Akabe ni ba Isilaele kaufela, mwa lizazi lani, nebangile lika ka likesha, kuli lika kaufela neli lukile. Ba prisita babona ni bakutazi neba likile ku ba bulelela, “Kaufela li iketile. Lika kaufela li lukile hande.” Kono neba

nani alimuñwi, yana huweleza kunyaza taba ye fosahalile, kakuli yo yena naziba kuli Mulimu ya kenile nasike atabela likezo za kacenu za bulapeli bobu sika kena.

²⁵ Kacwalo kona mwa sialezi Mulimu wa Lihalimu yaswana ni kacenu. Mwa ku ikataza kwa luna kaufela ni lika zetuna zelulika ku eza, Mulimu hana kutabiswa kwande a bupilo bo bukenisizwe ka kutala fapila Hae.

²⁶ Lwa kona kuyaha likolo, ni litempele, ni litabernakele. Lwa kona kuba ni likopano. Lwa kona kueza lika zetuna, kono niteñi Mulimu hana ku tabela konji moyo wa mutu hauba o kenisizwe fa katala ya Mulimu, kuipeya kwa misebezi ya Mulimu. Mi ha musafuma zeo ni hanyinyani.

²⁷ Mufumana kuli mikopano yaluna ya litapelo yafokola luli, ka muzuzu fela wa tapelo, uwela fa mumbeta. Lu fumana kuli seo si ezahala hañwi kamba habeli ka zazi. Kanti, kaufela luna lu fosize. Naha yaluna, ka butu, ya bola. Luna ni bo Billy Graham ni Oral Roberts kai ni kai. Kono konji ha ku kataha linyolwa mwa pilu ya America, ku ikutisa ku Mulimu yapila hape, kwa zibo ye pila, kwa tumelo ye sa shwi ku Mulimu ya pila. Fohe lunataka fela booko bwa luna, sina hane likabulelwa, kwande.

²⁸ Lwa kona ku zamaya ni sifuba fande, ni kola yaluna isikamezi kwa mulaho, ni ku zamaya mwa mikwakwa, ni kulakaza kubizwa “Muituti” kamba “Mubali.” Lwa kona ku lisa likeleke zetuna zeliteni mwa naha, mi lwa kona kuba ba balukile kamo lukona kubela, kuli kutokwe yaka lu supa munwana ka bupilo bwa luna. Kono konji kuli moyo wani oli mwahali ku luna ube fa mulilo wa Mulimu, kufitela sesiñwi mwahali mwani, kunyolelwa Yena kwani! “Sina tolo hai lilela mezi amwa masa, moyo waka unyolelwa Wena, O Mulimu.” Konji ha lukafita fa kutwisiso ye cwalo!

²⁹ Kabakaleo, swalisano, ni ze cwalo, ikanga muhato sina moba ezeza, ni kuikopanya kaufela ko lukona kueza hakuna ku lituhelisa. Kize libelezwi ku taha. Kono Mulimu ubizeza kwa Keleke ya Hae.

³⁰ Mane kuli musali yomunyinyani yo naswanela kuba wa mufuta wa Elia! Kakuli, hañata likezo za hao libonisa seo uli sona. Mi, hape, naketilwe kuli aamuhelange mupolofita wa Mulimu. Muhupule, nali waba Macaba, isiñi Mujuda.

³¹ Mi mubu nonzo cisa. Mi ha ku kakanyiwi kuli musali yo munyinyani yo, kakuba wa mufuta wani, kakuba mufuta wa mulumeli. . . Kakuli lu bona kuli Mulimu nasike ku mubiza, kambe nasi ya swanela ku amuhela mupolofita wa Mulimu. Kakuli Nasike ku luma mupolofita wa Hae kwa lapa lene lisa swaneli.

³² Nesi kuketa kwa hae. Neli ku keta kwa Mulimu. Nesi musali ya na mu pihelela. Neli Mulimu ya na mu pihelezi. Natomilwe kwa tuko ni kanukana. Mañwalala na mu fepa. Kono neli taelo

ya Mulimu kuli sesiñwi si ezahale. Mi Mulimu kaniti saya ku mulumeli wa sibupeho se siswana nisa Elia.

³³ Nali musali wa mbelwa. Mi luna kaufela lwa ziba seo ali sona, musali wa mbelwa, zana fitile kuzona, muuna hae atimezi kale asiyezi ni mushimani yana hulisiwa.

³⁴ Mi kwa manaha kwani, neba itingile fa limela za bona. Neba sina misebezi sina molubezi niyona kacenu, ni—ni limela ze sileleza. Neba itingile fa limela zabona. Mi kakuli bumaswe bwa sicaba, ni mutakafululele wa bona, ne utisize linanga mwa naha, mi nebali mwa tala mi banze ba shwa.

³⁵ Mi cwale lu fumana kuli hakuna ku kakanya musali wateni na lapela busihu ni busibu, busihu kaufela, hana kalile kubona bupi mwa sibulukelo habukala kuya kwatasi, kwatasi, kwatasi. Mane nekutilofita fa nako ya kuli nekusina nihaike bo bukwana komoki mwa sibulukelo. Bwana nani fela neli bobu felela mwa lizoho. Lifu neli taha mane ni mwa munyako, fa sikwalo sa hae. Kakuli nekusina mukwa wa ku banduka kaona ni hanyinyani. Naha kaufela nei shwa tala.

³⁶ Mi, haili oli, neitala fela luswana kuyene siyezi mwa tubana. Ona oli yekuna fani ni bupi bwani kona zene yemi mwahala musali ni lifu. Nali ya sepahala luli ka litapelo za hae. Mulibelele taba yeo ikene mwa lapa la mina, ikaba ku sepahala luli kufita molubezi kakusasana wo, fani halu ziba kuli lifu li yemi fa munyako.

³⁷ Mi Na lumela, mwendi, luka nahana kuli, hakulata, fa, kuli nalapezi busihu kaufela cwalo, kakuli zazi leliñwi neku felile. Na talima fa milomo ye mbeyukile ya mwana hae wa lilimo ze talu kamba zene za kupepwa. Mi na kona kubona masapo ahae inza comoha cwalo, mubili hane uyonga kuona. Mi neli taba ye tata, sina mahe yo, hana bona litaba zani linze liezala. Mi, kanti, ni mazoho a hae ku Mulimu, ku lapela musihali ni busihu, “Cwale lu fitile kwatasi a bupi bobulikana mwa lizoho ni oli yetala luswana.”

³⁸ Mwa ziba, ki nto yenca. Mulimu aeze kuli litaba ze linwele ku mañi ni mañi wa mina, haiba hamuna kuni utwa ni kutaza hape. Le halibe liñusa. Kinto ye nca, yenca luli, kuli fokuñwi Mulimu uezanga lika ona cwalo.

³⁹ Mwa ziba, haiba luipulezi libi za luna mi lu fitile fo Mulimu abata kuli lufite. . . Lu lumezi ku Mulimu. Kuna ni muinelo olukela kufumaniwa, mi ki kuya ka tato ya Hae. Mi luipulezi libi za luna, mi lu pangile mafosisa kaufela eluezize, kulukile, kueza lika kaufela ze lu ziba mwa ku ezeza. Kaufela seo Mulimu aezize, kamba sa kupile, lu fitile fa mayemo ao, mi niteñi U sa kuzize. Hana ku lu alaba.

⁴⁰ Ni sepa kuli Ni ambola kwa sicaba, kakusasana wo, sesi fitile fa sibaka seo. Ni bile teni, linako zeñata, na kasibili. Hani yanga kukuta mwa mulaho ni ku tatuba bupilo bwaka ni ku

pikulusa licwe kaufela, mi Ni fumana kuli Ni ezize lika zeñwi ka mafosisa, Na yanga mi niku ipulela kuli, “Mulena Mulimu, Ni ka si kondisa,” mi naya niyoeza cwalo. Mi hanikuta ni bulela kuli, “Cwale, Mulena, Wena u Mulimu; U ka ni alaba. Kaniti Ni petile se U tokwa kuli nieze. Mi nize tokwahala kaufela, Ni li petile.” Niteñi Ha shenyi, ubonahala kuba ya kuzize, fani kona fo mulukela kuba ni niti ya kuli Yena ki Mulimu. Musike mwa zwafiswa. Taba fela ki kuli, sani, mwa pilu ya hao, ube ya kolwa za Mulimu.

⁴¹ Tuto yaka. Mube babaikolwisisa, pili, musika eza kale sika kaufela. Mube babaikolwisisa, mwa pilu ya mina, kuli ki Mulimu. Mi hamuse mufumani lika kaufela za Na bulezi, fohe muna ni niti kuli Ki Mulimu, fani kona fo tumelo ibelekanga, ona fani. Tumelo iyemanga hande, kakuli iziba kuli U teni.

⁴² Mi mufitile kuze tokwahala kaufela. Ha mu lumela kuli U teni, mi ni tumelo iswahala hande. Oh, kufuyolwe Libizo la Hae! Tumelo haina kushenya, kakuli yaziba kuli Mulimu uteni, mi ki mufani wa zende ku baba Mu bata ka tundamo.

⁴³ Taba ye ha ikene mwahali ka butungi mi isike yazwa ku mina, ba Branham Tabernacle. Haiba mukopani ni za bata Mulimu, mi mwa pilu yamina mu lumela kuli U teni, Mulimu usweli fela ku tatuba tumelo yamina, kakuli U tabela ku ezanga cwalo. Uipulezi sibi sa hao mi ukopani ni za bata Mulimu, mi niteñi U sa kuzize, muhupule, tumelo ibulela kuli U teni. Fohe tumelo iswala ku sona, kusina kuziba seo sili sona kaufela, kono ya ziba kuli U teni, mi ya utwisisa kuli U teni.

⁴⁴ Fohe, muhupule, haiba U teni, Manzwi a Hae alukela kuba a niti. Mi haiba Na bata kuli mukopane ni linako ze, mi mukopani ni zona, Yena wa lukela ku babalela Linzwi la Hae. Musike mwa kuta mwa mulaho, ni kubulela kuli, “Kulukile, Na li kuba nifole. Ni . . .” Oh, wena tumelo, ye fokola. Musike mwa lumela zeo. Haiba lika kaufela libulezwi, mi lika kaufela lizwile, mi mukopani ni za bata Mulimu, tumelo ikaswalelela ona fani. Hakuna sesi ka ishenyisa. U teni, mi muna ni niti. “Ba ba libelela ku Mulena ba ka ancafazwa mata; baka pahama ka mafufa a mbande. Baka mata mi ba sa katali; haiba ba zamaya, ha ba na ku fokola.”

⁴⁵ Mulibelele, fani hamukopani ni za bata Yena. Seo sitisanga tumelo ya mina fa ponahazo. Haiba mu fitile . . . Za bata Mulimu lipangilwe, kamba lifumanwi, mi mu li lemuhile kakutala, mi mu ezize lika kaufela zeo Mulimu abata kuli mueze, fohe tumelo ya mina ika ina ona fani, kuli U teni. Mube babakolwa za Mulimu.

⁴⁶ Mwa ziba, U lata ku lutatuba. U tabela ku bona mualabelo wa tumelo ya mina. Kana mwa ziba cwalo? Mulimu u tabelanga ku bona momu kona ku ezeza. Fani ha mukali, “O Mulena, Na Ku lumela. Ki wena Mupulusi waka. Ni lumela kuli ki Wena Mufolisi. Ni lumela kuli Ki Wena Ya fa Moya o Kenile. Ni lika

ze Ni tokwa, Ki wena Mulimu Yafa zeo.” Mi cwale ha mu ipulela libi za mina kaufela ni ku sepisa Mulimu se mu kaeza haiba A mitusa kuba hande, mi cwale kakuli ha si sa ezahali, muka mata mata sina lipyeha kokuñwi. Mulimu hakoni kuitusisa ya cwalo. Hakuna nzila ya kuli A itusise wena. Hakuna nzila ya kuli A ku alabe, kakuli Yena ualabanga fela ka tumelo. Kutuha fo, hañihañi fela, mwaikela kwahule, mi Ha koni kualaba. Kono tumelo, ya niti iyemanga foku cwalo, kaniti ya kuli Mulimu uteni. Mube baba ikolwisisa kuli U teni.

⁴⁷ Mi haiba Mulimu ukupa sika se kuli si ezahale, ku ipulela libi za hao, ni zeñwi cwalo, mi uli ezize, tumelo ikali U teni, yaziba niti ya kuli sika ezahala. Kupo ya hao ina niku alabiwa. Oh, Ni—Ni sepa ha mu mbunji seo. Haiba muna ni niti ka Mulimu, Mulimu una ni niti ka Linzwi la Hae. Yena ulibelezi fela ku ku tatuba.

A kile aeza cwalo linako zeñata. Halu boneñi taba iliñwi kamba zepeli.

⁴⁸ Halu hupuleñi bana ba si Heberu. Ne ba sa lukeli ku kubamela siswaniso. Mulimu nana ni sepo ku bona. Mi hane ba utwile kuli balukela kuya mwa ondo ya mulilo osabisa, kiha bali, “Mulimu wa luna wakona ku lu lukulula kwa ondo ya mulilo osabisa wo. Kono haiba Ha na kuezwa cwalo, haluna ku kubamela liswaniso za mina kaufela.” Mwabona, neba nani niti niku kolwa za Mulimu.

⁴⁹ Neba ziba kuli Nali Jehova. Neba ziba kuli Na alabanga litapelo. Kono kamba Na kaeza mwa sibaka sa bona, kamba nee, ne ku kaba hande. Kacwalo ba to bulela, ba ipulela libi za bona, ni ku kena mwa lifu.

⁵⁰ Hane baya mwa ondo ya mulilo osabisa, ka kuziba kuli neba ikolwisisa, kuli, haiba Mulimu naka ba tuhelela kuli bace, Na ka ba zusa hape, mwa zuho. Neba kolwa za Mulimu, kakuli neba ziba kuli Mulimu uka sebeza lika kaufela ka bunde. Mi haiba lwa kolwa za Mulimu, lu ziba kuli Mulimu uka lu sebeleza lika kaufela hande.

⁵¹ Kacwalo, baba ni mubulelelo ulimuñwi. Neba ikolwisisa, mi kiha ba kena mwa mulilo wa ondo wo sabisa. Mi Mulimu aba tuhela ku kena teni; aitulezi, inza ba talima. Na bata kubona mone ba ka ezeza.

⁵² Fani, mulena hatoli, “Kana ne mu kubami tolombita ha ilila?”

Kiha bali, “Batili. Ne lu sika kubama.” Ki yeo tumelo ya mina, isweli kakutiya.

“Kulukile, kanti, haiba ne musika kubama, kana mwa ziba taelo yaka.”

“Eeni, lwa ziba taelo ya hao.”

“Taelo yaka ki kuli ondo ya mulilo o sabisa ika tukiswa ha supile icise kufita moibelanga, mi Ni ka mi nepela mwateñi. Kana cwale mwa bata ku kubama?”

“Batili. Haluna ku kubama.” Ki yeo tumelo ya bona.

⁵³ Mulimu uli, “Kulukile, Ni kabona seba kaeza ka sona. Ni kabona seo tumelo yabona inani.”

⁵⁴ Kacwalo kiha li, “Amu batame kwa mazoho, mi mutame ni mautu, mi mubaise mwa ondo.” Mi baya kwa ondo yani, ni mulilo mwa lipata za bona. Mulimu inza sa yemi, inza utalimezi. Kono neba kolwa kuli Yena ki Mulimu. Neba ipulezi kale. Neba kondisize kale lika kaufela, zona zene ba ziba. Neba ikolwisisa kuli Yena nali Mulimu.

⁵⁵ Kacwalo ba kena mwahala ondo yani ye sabisa. Ona fani fa nako ya mafelelezo, ki Ha taha inza pahami kuzwa kwa lihalimu, fa koloi ya moya, aba fukiseza moya, Inza ba ombaomba ni ku ambola ni bona.

⁵⁶ Mulimu utuhelanga tumelo ya mina kufita fa sibaka fo ikona kubeleka.

⁵⁷ Neku nani Jobo, wa Testamente ya Kale, fani Satani, mutamelezi wa luna, hana mutameleza kuba mueza libi wakwa mukunda. Kono Jobo naziba kuli nasika eza sibi. Naziba kuli na ipulezi lika kaufela zana ezize, ni ku beya sitabelo sa ku cisa kwande kwani. Sani neli sona sana bata Mulimu. Ki sona seo Mulimu na bata, neli sitabelo sa ku cisa sani ni buipuleli. Mi Jobo naezize lika zeo.

⁵⁸ Mi Satani kiha li, “Ni ka nga likamele za hae, kakuli ki muuna ya fumile. Ni ka nga lingu za hae.” Mi mafelelezo anga bana ba hae, ba fakaufi ni pilu ya hae.

⁵⁹ Niteñi, Jobo na yemi kakutiya, kakuli naziba kuli Mulimu, kulukile, na kolwa kuli Nali Mulimu, kakuli na ambozi ni Yena, mi na fumani zene tokwahala za Hae. A batisisa mi a fumana, “Ni pangile matabelo a ku cisa kaufela. Ni ize mwa pilu yaka, ‘Mwendi banake baba shimani hane ba na—na ni mukiti, ni bana baka baba sizana nebali teni, mwendi hakulata neba ezize sibi kwa mukunda mwa lipilu za bona, kacwalo Ni ka fa sitabelo sa ku cisa ka bona ni bulele bumaswe bwa bona.”

⁶⁰ O Mulimu! Fani mutu abuluka seo Mulimu aize ueze, kiya kolwa kuli Yena ki Mulimu, U lukela ku alaba. Tumelo ya Mu bizanga foku cwalo, nako kaufela.

⁶¹ Mi ha uezize so ziba kuli si lukile, ha u so fitile ku Za tokwa, ha uipulezi mi ulukisize, ni kupeta ze lukela kukutiswa, mi ulitomile fa pila Mulimu. Hanina taba kamba U kakuza cwañi, Yena isali Mulimu, ulibelezi ku beya tumelo yani mwateñi. U ezize misebezi ya hao, cwale U bata ku bona tumelo ya hao ka misebezi ya hao. U bata kubona so ka eza.

⁶² Haiba utozizwe mafula mi u lapelezwi, Mulimu ulibezezi ku bona soka lumela ka sona. Isiñi ku matamata kala Sunda leli tatama, ni ku matamata zazi leli tatama, mi kutaha mufolisi ya tatama mwa munzi. U libezezi ku bona seo tumelo ya hao ika eza. Isiñi kukuta mwa mulaho, kale litatama, ni kuli, “Ni ikutwa hahulu bumaswe, ha Ni sepi kuli Ni folile.” Wena hauswaneli mwa mukoloko wa litapelo, ka nako ya pili. Ha uswaneli. Ha uswaneli. Ha usika itukisa, kale. Ha ulumeli kuli Yena ki Mulimu. Na ha ni . . .

⁶³ Mwakona kubulela kuli, “Muzwale Branham, Na ha ni lumelelani ni wena.” Likezo za mina luli kona ze paka seo muli sona. “Muka ba ziba ka miselo ya bona.” Haiba mutu ubulela kuli ki Mukreste; kono u sa nwa, ni kuzuba, kulaula, ni ku bulela lishano la masila, mi uli, “Siemba sesiñwi sa Bibeles si lukile, mi zeñwi batili.” Wakona ku kutaza Evangeli, ni ku hana siemba sa Bibeles. Ya cwalo usali mueza libi. Ha sika luka, kale.

⁶⁴ Kono fani ha ubulela patalaza kuli Mulimu ki Mulimu yaswana, mi bupilo bwa hao bu beilwe mwa mazoho a Hae, ku ba, “Mulena, Na ni lizupa; Wena u Mubupi,” fohe u kupe so lakaza. Tumelo haina ku shenyi. Ika yema ona fo.

⁶⁵ Niheba linako halika bonahala ku wela kwa silyo ni nzohoto, kono tumelo yani neisika shenya, kakuli wa kolwa kuli Yena ki Mulimu. Mi haiba Yena ki Mulimu, Wa bulukanga lisepezo za Hae. Hakoni ku fa sepezo ni ku ipalelwa. Haiba Yena ki Mulimu, Una ni kubuluka lisepezo za Hae. Oh, Na lata cwalo. Una ni kuina ni sona.

⁶⁶ Jobo na pangile litabelo za hae; naezize lika kaufela. Naziba kuli na lukile. Mi kiha kutaha ba siemba sa keleke, zeñwi za likeleke za likopano zeñwi, bali, “Jobo, ni wena ulukela ku bulela kuli umu eza libi, kakuli Mulimu hakoni ku ku tuhelela unzo natwa ka koto cwana hausi mueza libi.”

⁶⁷ Kono Jobo ali, “Ni bulezi kale buinyazo bwaka. Nibeile sitabelo sa ku cisa fa pila Mulimu, mi ha Ni mueza libi.” Na ziba fana yemi. Mi lika kaufela seli zwelapili, kuya li zwelapili ku zwelapili ni ku zwelapili, ka kutatafala mone likonela kaufela, kulika kutisa Jobo fafasi, ni kutisa Jobo fa sibaka fana ka latula Mulimu ni kulatula sitabelo sa ku cisa sani. Ona muzuzu okaba ni kezo fa sika kaufela so bulela, kukabonisa bufokoli bwa hao, ku kakanya Mulimu kwa hao. Ha u kupa Mulimu sika kaufela, mi uya inzo kakanya kasona, fohe u muñete mi isi mulumeli.

⁶⁸ Jobo naziba fana yemi, mi nayemi ka kutiya fa mutomo wani.

⁶⁹ Kikabakaleo Perronet naize, ka hola yana timela:

Ku Krete, yena Licwe, kona fo Ni yema;
Ba bañwi ki lishabati.

70 Ona fa licwe leli tiile lani la buipuleli bwa Jobo, mane ni musali hae yana lata amusiya. Fani buiketo bwa hae hane buile, mi bipute nali mubili kaufela, mi aiñwaya mane a kuta lizazi lana pepilwe. Ali, “Kusike kwa benya lizazi ku lona! Niyona kweli iinelele mwa lififi la busihu.”

Musala hae ali, “Jobo, unyandile hahulu. Kiñi ha u sa lwahi Mulimu mi u shwe?”

71 Yena ali, “Wena ubulela sina musali wa sikuba.” Na ikolwisisa kuli neku na ni Mulimu, mi na fitile ku zene tokwahala. Oh, Ni ikutwa bulapeli. Na zibile kuli ufumani za bata Mulimu, mi seo kona sesi kondisa lika. Mulimu na tatuba tumelo ya hae. Uka lika ya hao. Uka lika ni ya ka.

72 Kono ha lu fitile ku Za bata, “Mubake mutu ni mutu wa mina mi mukolobezwe ka Libizo la Jesu Kreste ka swalelo ya libi za mina, mi muka amuhela mpo ya Moya o Kenile,” yani ki sepiso ya Hae. “Kuna ni ya kula mwahala mina, abize babahulu ba keleke. Bao ba mu toze ka oli, mi ba lapele. Tapelo ya tumelo ika pilisa ya kula, mi Mulimu uka mu folisa.” Ani kona mafelelezo. “Muipulele lifoso za mina, babañwi ku babañwi, mi mu lapelelane.” Mufitile ku za bata Mulimu.

73 “Lisupo ze lika latelela ba balumela. Ka Libizo la Ka ba ka leleka mioya ye masila; ba ka bulela ka lipuo ze nca; mi haba ka swala linoha kamba kunwa lika ze bulaya, halina kuba tiseza kozi; ha ba ka beya mazoho kuba ba kula, ba ka foliswa.” Ani kona mafelelezo.

74 Mube babakolwa za Mulimu. Mube ba baziba, kuli mwa pilu ya mina, kuli mwa lumela kuli leo ki Linzwi la Mulimu. Jobo nali cwalo.

Musala hae naize, “Kiñi ha u sa Mu lwahi mi ushwe? Kiñi, usweli ku totobela nako kaufela.”

75 Kamo Satani atabela ku nepelanga zani ku mina. “Kiñi, ha u cimbuki kufita mono inezi ha utoziwa. Ha u cimbuki kufita mono inezi bakutazi bani haba ku lapelela. Ba kutazi bani haba sika luka, ka ku kala.” Hakuna taba ka mukutazi yo. Ki tumelo ya hao ku Mulimu ya pila, ye tokwahala. Isiñi seo mukutazi ali sona; ki seo Mulimu ali sona. Mukutazi alikuba afe sepiso; Mulimu ki yena yanafite sepiso. Hakuitingi ku mukutazi; ku itingile ku Mulimu, mi ni tumelo ya hao ku lumela kuli yani ki Mulimu. Kacwalo mube babakolwa za Mulimu. Mube babakolwa kuli ki Mulimu, mi leo ki Linzwi la Mulimu. Mi Mulimu umwa Linzwi la Hae.

76 Mi Jobo ali, “Wena ubulela sina musali wa sikuba.” Ali, “Mulena ufile, mi Mulena u amuhile; ku fuyolwe Libizo la Mulena.” Na kolwa kuli kuna ni Mulimu.

77 Mi fani hana zusize zani mwa mulomo wa hae, mishika ya kala ku luma ni mamonyi akala ku monyeha. Mulimu natilo

zamaya teñi. Kamita za Mu bizanga kuli abe teñi. Na kuzize fa nako yetelele.

⁷⁸ Zeo kona Za sweli kueza. Mutalime fa silundwamanje sa ma America ba baya kwa lihele, baipi ba baya kwa keleke. Ha ni sika nyema. Kono sibi sinyemisanga mutu kaufela ya lukile ku Mulimu. Ha ki kunyemela naha, ha ki kunyemela batu, kono Ni nyemela diabulosi ya tisize lika ze ili kufoufaza batu.

⁷⁹ Balisana ba libofu ba ni bakutazi banze ba zamaya ni lituto za bumulimu za kuipangela. Mulukela ku pepwa sinca. Mi Mulimu ubuluka Linzwi la Hae. Ku mu bona inza ba yemisa. Mulukela ku ziba kuli kuna ni Mulimu. “Kuba ni mubonahalelo wa bumulimu, ni ku hana Mata ateni.”

⁸⁰ Musali yashebile, yomunyinyani yo, na zibile kuli Nali Mulimu. Sina bupi bwani hane buya kwatasi, kwatasi, kwatasi, kwatasi, linako zatoba ze maswe maswe, ka nako kaufela. Kono Mulimu natuhelezi kuli kube ona cwalo. Yena utabelanga fela kueza ona cwalo. Utabelanga ku beya tumelo ya mina fa tatubo, ku bona momu kona ku ezeza ka yona, ku mi tuhela kuli mutoziwe mi mulapelelwe, ni ku totobela maswe. Ali, “Taha cwale, Satani, aku mu like. Na ziba wa lumela ku Na.” Mufuyole Mulimu kamita! Oh, mwai! [Muzwale Branham ukambela mazoho habeli—Mu.] “Aku mu like cwale. Na ziba u tokomezi Linzwi la Ka hande.” Kana Wa kona kubulela cwalo ka wena?

⁸¹ Na bulezi cwalo ka Jobo. Ali, “U mueze sika kaufela so lata ku mueza, kono usike wa anga bupilo bwa hae, kakuli Ni ziba kuli wa Ni lata. Upangile sitabelo sa ku cisa. U ezize ze tokwahala. U ezize ze Ni mu bulelezi ku eza, mi wa li lumela. Cwale mu pikuluseze fa mashala a mulilo haiba wa lata.” Kiha nga lika kaufela ku mu amuha. Mulimu amufa zona habeli ka nako ya Mu kutiselize zona. Luli, U ka eza.

⁸² Ubeyanga tumelo ya luna fa tatubo, kubona haiba lwa lumela kuli Yena ki Mulimu.

⁸³ Musali yani yomunyinyani, haku kakanyiwi, ali, “Ni lapezi. Ni lapezi. Na ziba Ni wa Macaba yasa swaneli.”

⁸⁴ Muhupule, Jesu na bulezi ka yena mwa Bible. Na ize, “Kana nekusina limbelwa zeñata mwa mazazi a Elia? Kono kanti na lomezwi fela ku alimuñwi, mi nali wa Macaba.”

⁸⁵ “Oh,” ki hali, “Na lapela.” Mwendu, fani hana boni sinkwa sa mafelelezo sani, lifu nese likeni kale mwa munyako ni kutofita fa sikwalo. Mumonkolelo ulimuñwi, kaemba, yena ni mwana hae ki ku shwa. Na mubona, busihu kaufela, inza lapela, moya omutuna unzo fuka, mi lifasi neli zikinyeha, mi batu banze ba lila ni ku huwa mwa mikwakwa. Kiha zamaya zamaya, mwa ndu kaufela. A talima mwana hae wa mushimani. Kutalima fa tuapalo twa hae twa pajama; netuli kwande kaufela, mi mautu ahae ali kucolomokela kwande. Kiha talima kwa mazoho ahae

luli, akokonyani. Aya kwa mulaho ni kwa pata, kono kiha li, “Na ziba kuli Ki Mulimu. Ni ipulezi zaka kamukana. Ni ezize kaufela za Na bata. Ni kupela bupilo bwa luna, kwa kanya ya Hae.” Mulimu a mubona.

⁸⁶ Baba siyezi ba kubona nebaya kuyo bina kwa sibaka kokuñwi, kuikenisa ili bona, kakuba ni kubuha televishini kamba sika sesiñwi, ku zwelapili ni lifasi. Kono musali yani nali anosi ni Mulimu.

⁸⁷ Habusa kiha lipazula. Musali ali, “Kashimani ne ka lilile busihu kaufela ku bata sa kuca. Ni kaeza sikamañi Ni nani fela kabupi nyana?”

⁸⁸ Mwa ziba, sico sani neli Kreste. Muituti kaufela wa Bibebe wa ziba kuli Kreste neli nubu ya-Sico. Mi nubu ya sico yani neina ni kuzamaelela ni mupumelo oipitezi, niona, kufitela hane kupumilwe siemba sesinyinyani kaufela sa bubeke ka kulikanyeza; kakuli Jesu Kreste ki ya swana, maabani, kacenu, ni kuyakuile. Mi mulumeli kaufela wa lumela cwalo mi utiyela ona foo. Halleluya! Mwakona kuba ni bulapeli bwa mina, bwa kale bo mu bata kuba ni bona. Haili na, Na lumela Kreste ki ya swana maabani, kacenu, ni kuyakuile. Ni yemi mwa lifasi la mañete. Ni sa lumela kuli Yena ki ya swana maabani, kacenu, ni kuyakuile.

⁸⁹ Lipumiso zani nelipumile siemba kaufela sateni ka ku likanelela, kakuli Yena ki ya swana. Ki Mulimu ya swana Yana liteni kale, U teni onafa, kakusasana wo. Yena kamita ukabanga ya swana. Kona seo sico nesitalusa.

⁹⁰ Mi oli italusa Moya, sina ha luziba kuya ka Ezekiele 4, ni zeñwi cwalo. Ki kabakaleo lutozanga ka oli; ki Moya. Ki sikamañi seo? Sina Mulumiwa Joani 4, “Haili Ndate ubata ba bacwalo ku Mu lapela ka Moya ni ka Niti.” Jesu nali Niti. Nali yena nubu ya Sico, mi oli ye neli Moya. Mi Moya, ha ukopana ni Niti, ulukela ku tahisa sesiñwi. Ku li beya hamoho, lipanga sinkwa. Oh!

⁹¹ Tumelo ya mina ikai? Fo Linzwi la Mulimu ha likutazwa ka bunolo bwa Lona, ibo ka Mata a Lona, kuli Jesu Kreste ki ya swana maabani, kacenu, ni kuyakuile, mi Linzwi liya ka ku zwelapili kwa Sico, muna ni Oli ya ku Li zwakisa. Ikona kuba yelikana mwa lizoho fela, kamba kutala mwa luswana, kono, seo kaufela sili sona, ki sa niti.

⁹² Cwale liitukiseza sikamañi? Ki buitukiso bwa sifapahano. Li itukisa za sitabelo sa kuipa. Kona se mu lukela ku eza. Haiba Linzwi likutalizwe, mi muna ni Moya mi Li kopani hamoho, ki sitabelo-sakuipa ku hanyeza butuku kaufela, ku hanyeza kukula kaufela, ku hanyeza lika kaufela ze lwanisana ni Linzwi la Mulimu, ni ku yema fateñi.

⁹³ Mualafi ubulezi *se, sani*, kamba *sesiñwi*; usike wa eza ka kushutana ni hanyinyani. U yeme ku Sona, kakuli Mulimu u

bulezi ona cwalo. Sico si tile. Una ni Oli. U Li kopanyize hamoho.

⁹⁴ Cwale, Ni utwa muhuwo. Ki hasamulaho wa musihali. Muhuwo ubulela, cwana kuli, “Zwela mwa patelo uyo nopa twandilala totubeli.” Kana mulemhile, Liñoło liize “twandilala totubeli”? Ki sifapahano. Una ni sico ni oli, kono ni yena uka biziwa, kuli abeleke cwale; kubeleka ka zona. Buñata bwa lika ze munani, buñata bwa Sico kamba Oli ka mo mutokwela, kono mu lukela ku beleka; sitabelo sa-kuipa.

⁹⁵ Twandilala totubeli. Mwa linako za kale ne basina mukwa o munde wa kutumbula mulilo ka ona. Ha munga kakota kukabeya fa kakota, ku ka tukisa fahali, muka akufisa maneku amabeli kaufela. Ma Indian batukisanga mililo yabona. Ni kile na tukisa fateñi na, linako zeñata, busihu kaufela. Ki kunga fela sishingwa, mi ka nzila *ye*, mi sesiñwi ka nzila *yani*, mi muzwela fela pili ku likoteza kwa mulilo halinze lituka.

⁹⁶ Kota yani neli sifapahano. “Twandilala totubeli,” Bibeles kona moibulelezi. Linzwi lali, “Zwela mwa patelo uyo nopa twandilala totubeli.” Ka nako yeswana, fahalimwa lilundu, neku nani linzwi lelito huweleza ku mupolofita mi lali, “Zamaya mwa munzi. Ni laezi.” Oh, mwai! Sibeli sa bona bautwela. Sesiñwi sina ni ku ezahala. Sibeli sa bona ba utwela.

⁹⁷ Haiba mukutazi wa kutaza Linzwi, ni mutu ya Li amuhezi wa Li lumela mi ubeleka ka Lona, sesiñwi sina ni ku ezahala. Haiba u mueza libi, ulukela ku piliswa. Haiba wa kula, ulukela ku foliswa, kakuli Mulimu na sepisize, haiba lwa kolwa za Mulimu.

⁹⁸ Ka ku kolwa kuli Yena ki Mulimu, U lukela ku buluka Linzwi la Hae. Kauke! Mi taelo neli kuli, “Zamaya mwa munzi, kakuli Ni laezi musali wa mbelwa.” Pono yato bonahala ku mupolofita. Kiyoyi fa wataha, inza zamaya. Hazibi kwa ya; hakuna shutano ni yekana. Yena inza utwela fela.

⁹⁹ Nasazibi koku kaba twandilala totubeli, kono neku nani tukota totubeli mwa patelo kokuñwi. Kiha nanuha. Aya kwande mwa patelo. Kiha talima talima, “Oh, mone kuciseza!” Mihuwo yenezwa mwa munzi, likebenga za busihu linze litaha kwani, linze lilwanela cwalo, kunwa ma waine abona, ni zeñwi cwalo. Kiha talima mwa mikwakwa. Hakuna za bona. Kiha fumana kakota kalikañwi; siemba sa sifapahano, sitabelo sa-kuipa. Kiha nopa siemba sesiñwi, ka kota. Mi ha na no pile kakota kabubeli kani. . .

¹⁰⁰ Oh, mone ku utwahaliseza sabo, lifu liyemi mwa munyako. Yena ni mwana hae wa mushimani ne ba lukela ku siemba nyana sa sinkwa ni kushwa. Ani neli ona mafelelezo. Mi fokuñwi, ona mwahala sabo, kuli kipeto lu utwa linzwi.

¹⁰¹ Hana nopile kakota ka bubeli kani ni kukala kuya, kiha ku taha linzwi mwa munyako, lali, “A ku nife kwa mezi nyana mwa sinwelo.”

¹⁰² Kiha sikuluha kutalima, ni tukota totubeli twani mwa lizoho la hae, ni sico ni oli likopanyizwe kale mi li lukile. Uli nali lukisize kale, ku li kopanya hamoho. Sani kona, seo Linzwi ni Moya, lilukela kukopana hamoho. Kubeya fa sifapahano sitabelo sa kuipa, ku hanyeza lika kaufela ze lwanisana ni ze mu kupile. Yani kiniti. “Ni li kopanyize, cwale Ni yo nopa tukota to.”

 Mi linzwi lani lali, “A ku ni tiseze mezi nyana mwa sinwelo, ni nwe.”

¹⁰³ Kiha talima, mi abona muuna yayemi, inza yendamezi kwa munyako, wa malama aotile, wa milelu, wa sitenda, ali kutalima mwa munyako, anza itamile ni litalo la ngu la kale. Ne ku bonahala inge kuli neli muuna wa sishemo.

¹⁰⁴ Musali ali, “Ni ka ikabela tumezi twaka niyena.” Mezi a Bupilo, wa itakaleza kuafa ku mutu kaufela, ku bulelela mutu kaufela, kuya kai ni kai. “Nako nyana fela, muñaka.” Kiha kuta, ni tukota mwa lizoho la hae.

¹⁰⁵ Mi linzwi la huwa hape, “Ha ki ku ikabela fela mezi ahao, kono a ku ni tiseze muñwato wa sinkwa mwa lizoho la hao.” Sinkwa sa bupilo; mezi a bupilo! Kana neli a bupilo? Kambe naka shwa ona fani sani hane sikafela. “A ku nitiseze mezi ahao ni sinkwa sa hao.”

¹⁰⁶ Kisikamañi se lu fumana fa? Kana ki tuto mañi ye lu fumana? “Mubate pili Mubuso wa Mulimu, ni kuluka kwa Hae; lika zeñwi lika ekelezwa.”

 “A ku nitiseze mezi nyana ni muñwato wa sinkwa.”

¹⁰⁷ Mi kiha sikuluha, mwa sabo ya hae. Na mu utwa habulela kuli, “Muñaka,” sika sesi cwana, “wena wa shutana ni baana be Ni boni, ni baana be Ni utwanga ha babulela. Ubonahala kuba ya ziba sobulela. Kono Ni nani fela bupinyana, bobu tala fela mwa lizoho, ni oli fela yekwana luswana. Ni ilukisize kale, mi Ni yoliapaha ka tona tukota totubeli to. Mi Ni ka ica, ili na ni mwanake wa mushimani, mi lushwe. Kona fela se Ni nani.”

¹⁰⁸ Se lu utwa, cwale, hasamulaho? “Kono, a ku nitiseze kankwa kaka likani, pili.” Mulimu, pili. Hakuna taba mutu kaufela sa bulela, sika seo kaufela, bupaki bufi kaufela, kamo bu bonahalela ku sabisa, seo kaufela sili sona, amunge Mulimu, pili. Linzwi la Hae, pili.

¹⁰⁹ “Mualafi uize ha Ni na ku ba hande.” Kono, Linzwi la Hae, pili. “Na ni mueza libi yomutuna. Ni lihule. Ni mulauli. Ni cacolwa.”

 Linzwi la Mulimu, pili. “Libi za mina ni ha likaba ze fubelu, likaba ze sweu sina litwa; ze fubelu sina lizuku, likaba ze sweu sina boya bwa ngu.” Pili, Mulimu.

110 “Zamaya, uni tiseze sinkwa nyana, pili. Seo kaufela sonani, usitise kuna.” Kana wa itakaleza ku lifa mwa mazoho a Hae nji?

111 Bupilo bwa ka, seo kaufela Nili sona. Ni na ni lilimo ze mashumi aketalizoho za kupepwa. “Kana wa itakaleza, William Branham, ku litoma ku Na? Kana wa itakaleza, mina bana ba banyinyani, kubeya bupilo bwa mina ku Na? Kana mwa itakaleza? Kana mwa kona kueza, sicaba se si kula? Kana mwa kona ku Ni sepa? Mu beye Na kwapili.”

112 “A ku nitiseze muñwato wa sinkwa mwa lizoho la hao, mi unife ni kwa mezi nyana.” Kiha mu talima. Neku na ni sene si mu bulelela kuli muuna yani naziba sana ambola ka sona.

Mulimu waziba lingu za Hae Luli. “Lingu zaka liziba Linzwi la Ka. Za ziba kamba ki Mañolo kamba kutokwa, kamba ki ze lukile kamba kutokwa.”

113 Kiha sikuluha, ka ku utwela. Kona seo mulukela ku eza. Mi cwale ha na sikuluhile, kwa ku utwela seo mupolofita na bulezi kuli aeze, kiha kutaha mushika kuzwa kwa Lihalimu, kuli mutu kaufela na bonahala kuba ya utwa. Kakuli, kuzwanga mushika mwa linzwi la mupolofita, wo mueza libi kaufela ni mukuli kaufela utabela ku utwa, “KISONA SA BULELA MULENA.”

114 Kamo lu tabelela ku Li utwa! Kuli batu baba fumaneha mwa nzila yaka yenifita ku yona, bali, “Taha kwa munyako o. Mwanaka wa musizana u *cwana*. Mbututu waka, mwai, kuishuwa luli. Aku bulele fela linzwi.” Ukona ku libulela cwani li si ka fita kale mwa mulomo wa hao? Uka ipulelisa fela zona wena. Kono bona ba tabela ku utwa kuli, “KISONA SA BULELA MULENA.”

115 Sekutaha cwale zeo, kwa buse bwa lukwakwa, kakuli na utwela. Mi ni sabo ya fela. “KISONA SA BULELA MULENA. Sibulukelo sa bupi hasina ku fukuzeha, nihaike silibelo sa mafula hasina ku kala, kufitela zazi laka luma pula Mulena Mulimu mwa lifasi.” Oh, ki tiisezo ye cwani!

116 Musali kiha panga sinkwa. Mi asitambeka mupolofita. Kiha kuta ku yo panga sesiñwi sa hae ni mwana hae wa mushimani. Mi kiha baca ni kunwa, ili ze ñata, mwa naha.

117 Kana neizwa kai? Kana ne ikena cwani mwani? Kuya ka sayansi mu ni bulelele kone kuzwelela sico sani. Kanti oli yani neizwelela kai? Kana neikena cwani mwa silibelo sani? Musali naselile kaufela yona ku omisa, kakusasana ni kakusasana. Nafelelezanga bupi mwa sibulukelo, kakusasana ni kakusasana, mi neku omanga. Kono hana kutelanga kubata zeñwi, neli fumaneha teñi. Kanti nelizwa ka? Munge Mulimu ka Linzwi la Hae. Mube babakolwa za Mulimu. Ki yena Mubupi.

118 Wakona ku latehelwa ki buiketo bwa hao. Wakona ku latehelwa ki kopano ya hao. U Munge ka Linzwi la Hae. Ube ya kolwa kuli Yena ki Mulimu. Linako ze sabisa ze talimezi cwale,

ha likoni ku bonahala ku sabisa haiba ukanga fela Linzwi la Hae ni kukolwa kuli Yena ki Mulimu.

¹¹⁹ Mwa Germany, nakoyeñwi, Ni kile nabona siswaniso, mi kamita ne sisazwi kuna. Muswanisi wakwa Germany na swanisiye si. . . siswaniso sesi—sesi bizwa “Naha ya Lilu.” Mi cwale hamuka sibona, muli fahule nyana, ki se si sabisa luli kuze mukile mwa bona. Ki malu fela angungani hamoho, hamu talima muli fa hule nyana. Kono hamuka fita fakau fi luli nisona, sa cinca. Ki mafufa a Mangeloi anatana hamoho, anza opela ma haleluya ku Mulena. Konakuli seo kona sabo ikona kuba yona fokuñwi. Hamuka si talima, muli kwa hule, si bonahala ku sabisa ni bunsu. Kono munge Mulimu ka Linzwi la Hae mi mukolwe kuli Yena ki Mulimu, mi mu sutelele bukaufi ni sona, mu ka fumana kuli ki Mangeloi anatana mafufa hamoho.

¹²⁰ Musali yani naswana sina Abrahamama mwana inezi, yana bizizwe kuli afe lika kaufela zana nani, kulibeya fa aletare ya sitabelo. Mwendi ubizizwe cwalo, kakusasana wo. Akutuhele mizamao ya hao. Akutuhele ku salumela kwa hao. Akutuhele lika kaufela zo nani. Mi uikungele Oli ni Linzwi, mi u Li kopanye hamoho, ni ku Li beya fa aletare ya sitabelo sa-kuipa. Uka lemuhu kuli, Li kabiza Mulimu ku taha, ka niti sina ha Ni yemi fa katala fa.

Unahane fa lika zeo halunze lu lapela.

¹²¹ Kana una ni sotokwa kacenu? Kana una ni sotokwa sesituna kufita sopalelwa kufumana ka butu? Kana masheleñi ki amanyinyani kuli wapalelwa kulifela ndu mopila? Kana banana ba bata makatulo amanca, mi hauna masheleñi aku alekisa? Kana bupi bu felile kwa ndu ya hao, ni silibelo sa mafula sibata kuoma? Haukoni kuleka lico za limunanu za hao? Mi, ni, sesiñwi sifohalile? Hupula, Na file sepišo.

¹²² Kana wa kula, mi mualafi uize utokwa ku pazuliwa? Hauna masheleñi a ku ezisa zeo? Una ni sotokwile.

¹²³ Kana umu eza libi? Kana sotokwile ki sesituna, kakuziba kuli haiba Mulimu na ka kubiza, kacenu, no ka lateha? Kana umutu yawile ya mata kuzwa ku Mulimu? Mi waziba kuli u fumaneha kwa keleke yeñwi, kono waziba kuli ha u sika luka? Lizwalo la hao tota la ku bulelela, kuya ka Linzwi, kuli ha u sika luka. Mi una ni sotokwa. Usike wa tuhelela manzwi a kuwela mwa mubu wa miutwa, kamba fa macwe, lipilu za macwe. Kono awele mwa mubu omunde, o nunile.

¹²⁴ Haiba wa kula mi wa. . . mualafi uize hauna kuba hande, mi usepisa Mulimu kuli u ka Mu sebeleza ka mazazi kaufela a bupilo bwa hao, mi wa kolwa kuli Yena ki Mulimu, taha uto fumana Zabata. Haiba una ni sotokwa, kikuli wakona kueza pili zelikana fela ni kunanula lizoho la hao ku Mulimu, kuli una ni sika sotokwile? Mulimu aku fuyole.

Ha lu lapeleñi.

125 O Mulena, sina fela ha Ni ikolwisisa onafa katala fa kakusasana cwana, Na ziba kuli nekusike kwaba lizoho lililiñwi lene lika nanuha Wena usa zibi, kakuli Wena u Mulimu. No ize, “Kana linyunywani zeñata halileki masheleñi amanyinyani? Kana mina mu ba butokwa cwañi kufita linyunywani!” Kana ki butokwa tuna mañi bo U boni bwa mazoho ani a batu, be Mwana Hao Jesu na shwezi! Kana mazoho abona U a boni kuba a butokwa cwañi kufita hane U kabona nyunywani, kambe ne ikawa kakusasana cwana! Ni sepa ki ka. . . linyunywani ze ñata halilekiwi ka masheleñi afi kaufela kakusasana cwana, kakuli hakuna ya libata. Mi kwa kona kuba butata bwa ku lipumbeka. Kono Wena waziba yeñwi ni yeñwi ya zona; Waziba lifufa kaufela lelili fa mibili ya zona. Wa ziba mulili kaufela oli kwa litho za luna.

126 O Mulena, alaba tapelo. Babe baba ikolwisisa, kakusasana wo, kuli Wena u Mulimu, nikuli Ki Moya wa Hao. Mi he kusaziba ni kuipabaza kwa bulapeli bwa kacenu lizwe ku bona, zakuli, “Oh, Ni wa siemba sa keleke *yakuli*.” Mulimu, sani ha sizwe mwa minahano ya bona, ona fa. Ka yona nako iliñwi ye, mi baswale mubeu wa Bupilo bwa Kuyakuile. Mi kiha ba ka bata nikuba ni tala ya Teñi, kakuziba seo Mulimu ali sona, mi bazibe kuli Yena uteni. Wa buluka Linzwi la Hae.

127 Ku mu eza libi, ha kone kubaka kapili, ku itukisa kolobezo ka Libizo la Jesu Kreste. Mi No sepisize kubafa Moya o Kenile. No bulezi cwalo, Mulena. Akubuluke sepiyo ya Hao.

128 Kuna ni yawile yaziba kuli U Mulimu, mi uyambaezi kwahule. Ha tahe kacenu, kakuli No ize, “Libi za mina ni ha likaba ze fubelu, likaba ze sweu sina litwa. Lifubele sina lizuku, likaba ze sweu sina boya bwa ngu.”

129 Mi haiba kuna ni bani baba kula, ha ba lemuhe kuli Wena u Mulimu. Akubuluke Linzwi la Hao. Ulukela kubuluka Linzwi la Hao. Sina habellez ba ipeya ilibona, ka Oli ya bona, ona Moya olikubona obulela kuli ba lumela. Mi cwale, hape, ka Linzwi, Sinkwa sa Bupilo sesi filwe cwalo, Kreste; a tomahanyiwe ku bona, mwa Testamente ya Kale; mi ni mwa Testamente ye Nca, ku bonisa kuli Yena ki ya swana maabani, kacenu, ni kuyakuile. Ha ba kopanye Linzwi lani ni Oli, Moya, o lunani, mi bayeme ka mautu fa aletare, bali, “Se kona fela se Ni sweli, Mulena. Na si tisa.”

Oh, kamo U ka ekezela! Kamo lika bizeza Mulimu wa kale ku taha! Kamo lika ezeza Jehova ku nanuha, ka pilu ye luluhile, kuli, “Ni na ni mwana yaka Ni utwela. Ni se ni mu likile, mi ubonisize kuli wa Ni lata mi wa Ni lumela. Wa kolwa kuli Ni teni.” Kakuli ku izwe, “Yataha ku Mulimu ulukela ku lumela kuli Yena uteni, mi ki mufani wakende ku baba Mu bata ka tundamo.” Aku alabe, ka hola ye, sina halu libeya ku Wena.

¹³⁰ Mi, cwale, halunze luinamisa litho ho za luna. Ni bao baba tokwa sika kaufela, kana mwa kona kuyema ka mautu, ba ba bata kubeya. . .Cwale, haiba ha mukolwi kuli Yena ki Mulimu. . .Haiba mwa kolwa kuli Yena ki Mulimu, uka buluka sepiso ya Hae, puluso, foliso, seo kaufela sili sona, haiba mwa kolwa kuli Yena ki Mulimu, a mu yeme. Haiba muna ni yomuñwi ye mu bata ku lapelela, a muyeme. Haiba mwa—haiba mwa kolwa kuli Yena ki Mulimu, mu zibahalise kupo ya mina mwa kopano ya baba kenile. Mu eza cwalo ka kuyema ka. . .[Hakuna sika fa tepu—Mu.]

“Na ziba kuli Yena ki Mulimu. Na lumela kuli Wa bulukanga Linzwi la Hae. Ni sepa kuli kupo yaka. . .Ni ka ibeya mwatasa Mali, ona fa.” Haiba mu eza cwalo, kubeya sibi kaufela. Sibi kaufela ki kusa lumela. Wakona kuba membala wa keleke, kono Ni talusa sibi, “kusalumela” kwa hao. Uli beye fafasi kakuba sitabelo. Uka sifa ku ba nubu. Utahe kwa sifapahano. Uka fa sitabelo, onafa, kusalumela kwa hao kaufela. Mi ulife kamukana ku Yena, mi uzibe kuli Yena uteni, mi wa ziba U ka alaba. Haiba uwa siemba seo, nanula lizoho la hao. Ube ona cwalo.

¹³¹ Mulena, Wena u Mulimu. Kiye Oli ya bona fa ni Mbonyi ya bona, likopanyizwe hamoho. Ba Li tisa kwa sifapahano, ko Mulilo wa Mulimu uka wela mwa lipilu za bona (haiba luli ba talusa cwalo) mi ucise sitabelo sani. Uka zamaya mwa teni mo, unanule mezi aipatile. Kuzwa kwa Lihalimu, mwa koloi ya Mulilo. Uka nyanganyisa mahalimu kaufela ni lifasi, kuli li ba yoliseze.

¹³² Habanze ba yemi ni mazoho abona ananuhezi mwa halimu, ku bonisa kuli ba lumela, mi baipeile ili bona, ni kupo kaufela ye ba nani, ona fani fa aletare ya Hao. O Mulimu wa Lihalimu ni lifasi, Muatuli wa Lihalimu ni lifasi, kaniti Muatuli wa Lihalimu ni lifasi u ka peta za kuluka. Kaniti U ka buluka Linzwi la Hae, Wena Ya ziba lipilu za baana, lipilu za basali, lipilu za sicaba se.

¹³³ Mulena Mulimu, Ni nanula ni mazoho aka, kakuli Ni ziba kuli Ni nani cinceho ya bulumiwa cwale. Mi Ni lumela kuli U teni. Ni kuboni Unzo yemi kwahule mwa Sita sa Mulilo. [Muzwale Branham ungonota fa katala halalu—Mu.] Ni kuboni ha U tatuba likunutu za lipilu za batu. Hakuna nihaike nako iliñwi fokile Wa palelwa. No sepisize ha Ne uli ezize kwani, kwa buse bwa mukwakwa kwanu, fani ha Ne ukalile kueza lika ze lwa pili. Mi U ni silelelize mwahala lifasi, ni kuya kwa kuya kwa. Na ziba U Mulimu. Na kolwa ka zeo.

¹³⁴ Na ipa ilina ni sicaba se, ni sitabelo sa zeo kaufela Ni nani, Mulena, ku Wena, ka sebelezo. Na kala hape, Mulena, kupotoloha manaha mwa lifasi. Aku nituse, O Mulimu. Haiba Ni ku kakanyize ka nako yeñwi, aku niswalele ka libi zaka. Niswalele ka kusalumela kwaka. Naziba kuli U teni, ni mufani wa zende kuba ba Ku bata.

¹³⁵ Kamukwa oswana, Na ipulela ka libi za sicaba saka, kakusasana cwana, kufokola kwabona ni ku kakanya kwa bona, habanze ba yemi ni mazoho abona mwa halimu. Na bakela libi za bona, Mulena, ni kufokola kwa luna kaufela. Akulume Moya o Kenile fa halimwa luna, ka swayo ya ku lumeleza kwa Hao, kuli U Mulimu. Mi U teñi mo ku lu amuhela, ni kulunga mwa mazoho a Hao, ni kulu liululela lika kaufela ze lu latehezwi. Haiba ki buiketo bwa luna, abu kutisezwe ka mwanda. Haiba ki mioyo ya luna, haite ku luna inze ipazima, sibyana sesi benya, ba batezi Moya o Kenile, kuli lutahiswe fapila Mulimu. Haiba ki kusalumela, haku tahe ku luna hape, Mulena, ni tumelo ya ku shimbulula malundu. Akupete cwalo, Mulena.

¹³⁶ Lu lumela kuli U sweli wa zamaya, Moya o Kenile unzo tala muyaho wo, fa halimwa sicaba se, mi ni mwa lipilu zabona, kuba zamaisa kuli ba amuhele Mulimu yapila. Lu eza se ka Libizo la Jesu Krete.

Ni talima Wena,
Ngunyana ya Kalvari,
Mu Pulusi;
U twa Na lapela,
Zwisa sibi saka,
Si ke na latehela
Kwa Hule.

¹³⁷ Kana mu talusa cwalo? Kana mwa li amuhela? A munanule mazoho amina, muli, “Na li amuhela cwale. Na lumela.”

Mwa ha la Ku nyanda,
Mwa ha la maswabi,
U Be ni Na;
Fifi be lizazi,
Ta kula miyoko,
Si ke na latehela
Kwa Hule.

A lu inamiseni litoho za luna.


¹³⁸ Hasamulaho wa buhali, bwa Liñusa lelipazula katata; lelisaketi, ni kutahiswa ka nzila ye buhali, kono ki Niti. Mi haiba mulumela ka buikokobezo ze mukupile, kuli muka amuhela, musike mwa tuhelela nto yeñwi ku mi kasha kuzwa mwa nzila ye namile yeo. Muyeme ona foo. Hakuna taba kamba Ni ka kutaza hahulu cwañi, kaufela se Ni kaeza, kamba kaufela seo mutu kamukana akaeza, ha si na kuba ka mata kaufela konji ha mu ka si amuhela kuba sibyana sa mina se si mipaka.

¹³⁹ Haiba mu lumela seo ka lipilu za mina kaufela, kaufela se mu lakalize, haiba mu ipulezi libi za mina, Mulimu u mi swalezi. Musike mwa kakanya ni kamuta. Haiba u mutu ya wile, use ukutisizwe, kakusasana wo. Haiba utokwa Moya o Kenile, fohe u kolobezwe ka Libizo la Jesu Krete kwa swalelo ya libi za hao. Leo ki Linzwi la Mulimu. Ha na ku Li bulela kwa keleke, kwa

kopano, kamba ku yo kaufela. Lu lukela kuba ona cwalo. Lu lukela ku fita ku zabata Yena, Isiñi ze i bata keleke, zabata Yena. Zeo kona ze lu lukela kueza.

¹⁴⁰ Na ize, “Tapelo ya tumelo ika folisa ya kula.” Haiba wa kula, Ni ku lapelezi tapelo ya tumelo. U i lapezi mwa pilu ya hao. Mi ulumezi, u amuhezi, uyeme fa neku leo. Ikaba ona cwalo. Hakuna se si kona kuisutisa, hakuna taba kamba ibonabahala cwañi ku sabisa.

¹⁴¹ Mu li, “Kulukile, ku kona ku bonahala inge kuli Ni sa kula.” Seo ha si . . . Ki mafufa a Mangeloi akopani hamoho. Kona cwalo. Ki Mulimu mwa mufuta wa mbuyoti. Ku bonahala ku sabisa ku wena. Aku sutelele bukaufi ni sona mi utalime fateñi hape, ubone kamba ha ki Mulimu ya yemi fateñi, inza buluka Linzwi la Hae.

¹⁴² Cwale ha lunze luinamisize litho za luna, Ni ka sikululela sebelezo ku Muzwale Neville, mubuleli waluna. 

MUBE BABAKOLWA ZA MULIMU LOZ59-0125
(Be Certain Of God)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Sope 25, 1959, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2015 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org